

鎮南州志略卷之六

武備略

有文德必有武功故周禮一書司馬之官次於宗伯誠以禮樂兵戎皆爲治之要而不容偏廢也鎮南昔爲濮蠻所居蒙段鄭楊蠻觸相爭卑無足紀自元明迄於我

朝列爲內地或戡亂而有變伐之師或衛民而有兵制之設威靈震懾侮亂潛消皞皞熙熙同享承平之福胥由經制之善也作武備略戎事一兵防一

戎事

粵自莊躋略地實為滇中戎事之始泊乎漢武開益州郡以迄於隋史萬歲之南征數百年來兵事之見於史傳者悉數難周矣獨於鎮南一無可徵至有唐天寶蒙氏取和子城置郡縣載在元史始有可紀焉茲參稽舊典採輯成篇托始於有唐歷元明以迄我

朝仿編年體而彙纂之以補舊志之所未備云

唐

元宗天寶十四載南詔閣羅鳳以兵東伐取和子雞和二城

鎮南州志

卷之六武備畧戎事

十五

置郡縣

南詔蒙氏自細奴羅受張樂進求禪立國於蒙舍川今蒙化廳

故又號蒙舍詔四傳至皮羅閣用其臣張建成之策并吞

五詔國勢日強其子閣羅鳳叛唐以天寶十四載引兵伐

東爨侵俄祿野取和子今州東二里古城雞和今州東三十一里白土城二城

置石鼓縣又於沙卻今州西沙橋驛置俗富郡

謹案鎮南自此後始有地名可考

元

順帝至正二十三年大理總管段功大破明玉珍之師於呂

閣

玉珍隨州人也自楚入蜀分兵四掠軍士以紅巾纏頭號曰紅巾至正二十三年玉珍自將紅巾三萬攻雲南梁王及憲司官皆奔威楚諸郡悉亂功謀於員外楊淵海淵海占之吉乃自大理率兵進至呂閣敗紅巾於關灘江斬獲千計紅巾收合餘劔再戰復勝紅巾屯古田寺功遣人乘夜潛火其寺紅巾軍亂死者什七八又追至迴磴關大敗之紅巾大呼曰待明年來復仇時功在戰間得玉珍母寄子書云爾征南務得之不得輕還軍少糧乏我當濟補淵海效其書跡易之曰中國兵來急爾宜早歸募能入紅巾軍者有小卒陳惠願行玉珍得書恐國中有變遂收軍歸功追之至七星關又勝之而還

明

洪武二十一年土酋思倫寇定邊縣西平侯沐英由州南鄉進兵擊敗之

思倫麓川土司也洪武中叛亂遣其屬刀思郎率眾三十萬象百隻來寇定邊沐英率選鋒二萬由鎮南之南鄉進兵迭戰而翼以砲銃象奔賊大敗斬首三萬生俘萬餘獲

象二十七隻初沐英鎮滇知羣蠻不靖自楚雄鎮南以達景東每百里置一營率兵屯糧以備之是役也功成指顧而民無供億之苦

國朝

順治三年土酋沙定洲陷州城

定洲安南王弄土舍沙源次子也先是明崇禎中阿迷州土知州普明聲叛巡按趙洪範撫軍王伉奏請調滇黔蜀三省土漢兵討之不克既而廣西郡守張繼孟以計鳩殺明聲明聲之妻萬氏江右寄籍人女也性狡而淫據其眾

鎮南州志

卷之六武備畧戎事

七

招定洲兄定海爲贅壻已復嫌其樸陋遂殺定海而贅定洲定洲遂兼有安南阿迷之眾併近彝地踰廣南至交岡兵力日強陰蓄異志甲申三月闖賊陷燕京明帝殉國我世祖皇帝卽位改元順治而雲南道遠未奉正朔猶用崇禎年號二年元謀縣土酋吾必奎反黔國公沐天波調各寨土官會勦定洲不奉調及必奎就擒定洲率兵至天波檄之歸不聽遂以兵屯城外以十二月朔入城辭行遂襲天波府天波倉猝奔楚雄定洲率眾追之時金滄副使楊畏知在楚雄聞定洲西出謂天波曰公在楚賊以全力攻城城

必陷不如西走永昌使楚得爲備賊卽西追楚塞其後攻楚又恐公從西來首尾牽制此上策也天波從之賊至楚雄城堅閉不得入遂移兵陷鎮南焚燬官署寺觀及民居不可勝計隨遣兵攻大理蒙化陷之旣而定洲恐畏知截其歸路明年撤兵歸復入鎮南焚掠一空而去

謹案定洲叛亂事諸書皆作崇禎末年今考倪蛻滇雲歷年傳實係我

朝順治三年但道遠未遑

聖化有明舊臣之在滇者猶用崇禎年號故諸書因襲舊說而有誤耳

康熙二十年秋七月官軍擊破逆賊馬寶於天城

鎮南州志

卷之六武備畧戎事

十六

寶字城壁秦人也驍勇善戰順治初從流賊孫可望入滇已

王師南征寶歸順授總兵官鎮楚雄康熙十二年從逆藩吳三桂反三桂死寶自貴州遵義還滇據尋甸

王師克省城寶奔楚雄都統希福提督桑格敗之於州東呂閣驛寶走天城我師復擊敗之乃走入彌渡之阿札魯矣姓家因搜捕曰急又逃匿姚安山中桑格遣說客招降寶出降護送

京師與耿精忠同磔於市

謹案馬寶事諸書所載不同劉健庭聞錄云官軍敗寶於呂閣寶走姚安桑格遣人招降寶始出無名氏逆藩吳三桂傳云寶自黔歸輔三桂孫世璠將大軍居城外我撫軍大將軍公圖海遣使賚金幣令其釋甲歸順寶果來降以兵衛入

京我

聖祖欲宥之迫於言者乃與耿精忠同磔於市師荔扉於本傳後附記云寶於大兵克復省垣後引餘眾西奔我師追至天城擊敗之遂逃入彌渡匿阿札魯矣姓家以搜捕日急自詣軍門降今俗諺云馬到天城人自散天城屬鎮南去阿札魯百餘里其所弄琵琶一面予猶於矣姓處見之云云今合三說証之庭聞錄及荔扉之說為得其實無名氏之說未足信也竊謂寶走阿札魯後因搜捕日急又竄入姚安而後出降也不然劉健之說胡為乎來哉茲特參輯之如此

咸豐五年英武鄉土匪魯貫石蕭士善糾眾作亂戕土州判

鎮南州志

卷之六武備畧戎事

九

陳宜坤踞一街河知州金耀遠督鄉勇勦平之士善南山中無賴子也招結匪徒屢為不法因案捕繫省城旋逃歸潛伏山中時英武關行人被劫知州金耀遠諭土司陳宜坤訪拿兇犯宜坤以士善蹤跡可疑捕獲之有夷人魯貫石者士善黨也糾眾劫奪士善而去遂煽動夷人千餘圍土司署執宜坤及其弟宜泰殺之遂踞一街河依山負險州境戒嚴知州金耀遠督令鎮普汎把總柳萬全貢生呂海樓阿雄關土巡檢段鍾泰率鄉練二千由麻地了口三尖山進剿賊退踞楚雄縣之三街我兵進攻之賊潰擒土

善械送楚雄斬之魯貫石竄姚州

六年四月二十九日迤東回匪馬飛龍結姚州回匪襲州城官兵擊卻之賊退踞靈官橋

先是楚雄回在石羊廠與臨安沙丁互鬪姚州回結眾數百往助之道經楚雄之大小琶川肆行殺掠上憲調兵緝捕姚回懼陰結迤東回匪馬飛龍等千餘人暗集姚州爲拒捕計飛龍因與姚回謀取鎮南約以四月二十九日潛兵往襲州北堡冲文生李開科偵知之於二十八日報知州署知州潘仲輯斥其妄李生日明日午刻賊若不至請

鎮南州志

卷之六武備畧戎事

三

置吾於法仲輯乃遣人飛報楚雄時提督文祥駐兵於楚聞報卽遣普洱鎮游擊呂盛元率兵六百星夜來援時州城汎防把總鄧某失其名督城內居民登陴守望自率兵丁

出城西禦賊賊果於二十九日晨刻來撲西城時守禦已備賊衝突十餘次不得入未幾呂盛元由楚雄至以計授團長張福率民練六十餘人出北城由石家園抄出賊後盛元等開西城麾兵迎擊張福自後來攻賊大敗退踞州西靈官橋

五月永昌協副將福兆破賊於英武關賊退還姚州賊之退

踞靈官橋也窺伺州城無間可入遂出沒於州西英武關沙橋驛天神塘及姚州之普朔驛諸處截殺官軍以數百計五月初旬永昌協副將福兆奉提督文祥檄率師赴楚雄勦賊師出州境偵知賊蟠踞山谷道路梗阻遂營於英武關命前鋒都司某失其名率兵二百餘營於沙橋之色益山賊乘夜來撲色益營時濠柵未備賊攻破之營官及兵勇爲賊所屠無一脫者賊乘勝進圍英武關大營七日七夜樵採不通餉道俱絕營中殺馬以食十三日兆命把總張玉柱隊目周岐山率死勇百餘突圍而出殺賊數十時

鎮南州志

卷之六武備畧戎事

大風揚塵賊驚潰大軍悉出追殺俘馘無算賊退還靈官

橋六月初一日由靈官橋宵遁還姚姚州城因之陷

謹案姚州以是年六月陷七月文提督及福協戎引兵攻之賊出降至九年杜文秀復遣賊酋襲踞之而賊勢

遂不可制矣

九年三月逆回杜文秀遣賊酋起才順馬存有竄入州境都

司高天澤等勦破之

文秀以咸豐六年陷大理城隨遣賊將攻陷永昌騰越諸

處至是欲下窺楚姚遂遣偽都督起才順偽將軍馬存有

句結前年之漏網夷匪魯貫石率賊兵三千由趙州地竄

踞南鄉三街務苴大池能燒香寺玉屏庵等處四出焚掠
提督文祥檄州舉人紀肇修增生郭凌霄武生王盈李應
甲等調鄉勇四千分勦血戰十餘日不克郭凌霄陣亡賊
焰愈張會楚雄協都司高天澤楚雄優貢丁燦文帶鄉練
來援賊始潰散其魯貫石之逃竄姚州也匿姚之遠鄉夷
人家幾一年矣後因捕拏稍懈遂潛歸結夷眾與回逆相
應窺伺州城至是為高都司攻破往投大古者妖道為妖
道所殺時妖道聚夷人踞雲南縣之大古者為亂魯貫石
為夷人所附妖道恐不利於已故於其來歸也遂殺之

鎮南州志

卷之六 武備畧戎事

三

十二月逆回杜文秀遣賊將安某失其名竄入州境提督褚克

昌勦破之

起才順馬存有旣敗文秀又遣偽將軍安某率賊千餘由
姚州之普湖驛竄踞州西沙橋驛臘梅莊青龍山老廠老
羊冲等處數十里之內焚掠殆盡武生王盈李應甲等帶
領鄉練同都司鄭洪順張玉柱攻勦日久未克會提督褚
克昌自省回迤西勦匪督大兵擊之賊潰散沙橋一帶肅

清

十年六月十二日迤東回馬某逸其名遣賊將楊振鵬等陷州

城

初僞總統迤東回馬某於四月二十二日攻陷楚雄城至
六月十一日遣其將楊振鵬馬三貓賽德等率賊四千餘
來攻州城以十二日晨刻入州境已刻合圍時提督褚克
昌督兵往援雲南縣城中空虛居民驚惶有土人張利貞
於黃昏時縋城入賊營講和賊脅以威利貞降遂使率悍
賊二百餘乘夜叩西城門門啓賊長驅而入城遂陷振鵬
縱兵搜括財物殺不降者數十人是冬僞總統馬某東歸
振鵬以城獻杜文秀文秀遣僞將軍蔡萬紀僞都督蔡七

鎮南州志

卷之六武備畧戎事

三

二入踞之

十一年正月鎮普汎把總丁同高等率兵進剿不克

僞總統馬某以十年冬歸迤東以楚雄城獻杜文秀十年
官軍進剿楚雄授同高鎮普汎把總使之統兵與千總趙
騰雲錢大川等進剿鎮南正月初五日師至州境立營大
楸樹州武生王盈等集州屬鄉勇千餘應之立營周官冲
大河邊金珠河諸處晝夜圍攻戰頗力城賊懼遣人星馳
大理告警逆賊杜文秀遣僞都督劉某失其名率匪千餘來
援由趙州彌底間道潛入州南鄉三月初一日悉眾來攻

城賊亦開門接應我師背面受敵遂敗同高等不能支退還楚雄之妥甸

同治元年正月臨沅鎮總兵田仲興迤西道夏某失其名統兵

進剿三月初一日師潰

賊既解鎮南之圍遂陷楚雄臨沅鎮田仲興迤西道夏某進兵攻克之元年正月統兵萬餘督同游擊李維述進剿州舉人紀肇修集鄉勇六千助剿二月逆賊杜文秀遣偽大司徒馬得才偽都督馬維寶率匪萬餘由姚州之普棚驛來援仲興急遣勇弁率勁卒三百餘馳赴州西沙橋驛

鎮南州志

卷之六武備畧戎事

三

以遏援賊賊設伏於隘我兵遇伏潰還賊躡追之遂攻破西面諸營城賊開西城門迎援賊入三月初一日賊以火器攻城南揚和屯小廟等營營中火起南面諸營望風潰散賊遂悉銳猛撲東北面東北面之營亦潰仲興等收餘眾退還楚雄明年楚雄復失

三年十二月布政使司岑襄勤公督副將趙發等進剿不克岑藩憲以三年十一月克復楚雄督副將趙發夏毓秀陳宗舜統兵進剿十二月師至州境自冬徂春圍攻甚力賊以悍卒嚴守西北面通餉道四年二月三十日我師立營

西北之小山以遏絕之賊悉銳攻破小山營營卒奔東南賊乘勢追之諸營皆潰我軍退還楚雄

八月都司陳宗舜等復進勦不克

八月十七日都司陳宗舜劉興等自楚雄統兵進勦甫入州境賊來援於姚州姚回僞將軍僕有明率賊千餘赴援二十七日援賊至城賊亦出內外夾攻我師寡不敵眾仍退還楚雄

五年春正月署鶴麗鎮總兵楊振鵬統兵進勦三月師潰

振鵬以咸豐十年陷州城尋歸順授鶴麗鎮總兵五年正

鎮南州志

卷之六武備畧戎事

五

月統兵入州境攻勦立營於海子山斗閣山諸處賊仍嚴守西面以通大理消息三月杜逆遣僞大司閫馬旭率賊千餘來援由趙州彌底間道竄入州南鄉都司錢法有急往南界大莊柯堵禦遇賊前鋒奮身力戰賊大隊繼至圍之數重法有左右衝突身被數十傷持刀陷陣手刃悍賊數十人而死士卒俱潰散賊乘勝來攻振鵬城賊開門接應振鵬不能敵遂潰

謹案振鵬身陷州城罪無可逭矣是役也果能力戰恢復或亦有解免之路乃師出無功而賊兵攻省旋又叛去直至省圍既解始伏鉄鉞之誅蓋梟獍之心其反覆無常有如此

八年冬十二月巡撫岑襄勤公遣騰越鎮總兵官李維述統兵進剿明年八月二十五日克之賊酋蔡萬紀馬定西伏誅

先是逆賊杜文秀遣兵寇省城連陷迤東州縣逆焰張甚撫憲岑督諸將四面攻剿省圍既解大兵西上諸郡縣城池以次收復八年九月楚雄協張士進剿州境爲悍賊僞大司衡楊榮攻破退還楚雄十二月撫憲岑檄總鎮李維述進剿以副將張士進劉興都司蘇仲張宗久李杞材李棟材李芳梅等副之維述立營州北斗閣山士進立營州

東張合屯蘇仲立營州南新村劉興立營州西大河邊旬日之間四面合圍九年六月我兵攻城南鵝毛樹賊營賊將馬開壽以營降賊勢漸斂惟嚴守鸚鵡山以爲固是山近臨西城躡其巔可觀城中動靜自巔東下二百餘步名二臺坡去城愈近礮銃可飛擊城內我兵屢攻此山賊堅壁不動七月張宗久李杞材李芳梅等督兵急攻賊仍守險不下宗久等自山北硯瓦塘穿地道進逼山巔又斷其汲道賊大窘遂潰我兵入據其營賊又退守二臺坡宗久等仍如前進逼之賊又潰我兵又據其營日夜轟巨礮入

城城內賊負扉以行又數日堡白山賊曾梁某開營出降是山附近西南城我兵旣得是營賊勢益危八月二十五日辰刻守南城賊曾馬某來降巳刻劉興李棟材李杞材督兵集南城俟之降賊繼之登師畢登鼓噪而入賊大驚悉銳來迎我師力攻之賊猶不退戌刻我師潛往東西街縱火焚賊巢賊見火起驚潰我師追殺之擒僞將軍蔡萬紀僞參軍馬定西斬之又搜捕竄匿賊數百人悉殺之州境平

鎮南舟車走集之郊也東西以楚雄雲縣當其衝南北以姚安景東爲之蔽且土地磽瘠民情柔順卽二三土職亦頗能以忠順自守故歷代以來兵事絕少惟咸同之際夷匪倡亂於前回逆蟠踞於後城池陷沒十餘年官軍進剿十餘次幸

皇威遠播羣兇授首民困用蘇然鋒鏑之後元氣未復生養保聚之道不可不亟講矣

兵防

兵可以百年而不用不可以一日而不備故古者寓兵於農春夏則振旅舍麥秋冬則治兵大閱國家無養兵之費而比閭族黨間莫非勁旅法至良意至美也自秦廢井田而歷代兵制各殊其間得失之故不可枚舉我

聖朝制度詳明兵隸於汛汛統於營營轄以鎮大小相維指臂相使兵制之善超軼前古鎮南雖蕞爾邑然汛防所在武備聿修而兵丁之有增減具見因時制宜之義謹備錄之俾言兵制者有所考云

鎮南州志

卷之六武備畧兵防

三

鎮普汎把總一員

舊隸楚姚蒙景鎮今隸楚雄協

舊設戰守兵二十名守兵四

十二名共六十二名內計存城兵二十名分守各塘兵三

十二名

州前鋪三名 高峯哨三名 水盤鋪三名 沙橋堡隊目二名 兵三名 新鋪三名 大佛寺三

名 英武關三名 天申堂隊目一名 兵三名 水井鋪

二名

咸豐三年奉裁戰守兵二十名實存戰守兵四十二名 同

治十二年奉裁戰守兵十九名現在實存戰守兵八名守兵

十五名共二十三名

存城戰兵二名 守兵十一名 沙橋驛戰兵六名 守兵一名 新鋪塘兵

一名

一名 水盤鋪塘兵一名 高峯哨塘兵一名 互詳建

置畧關哨汎塘

一名

互詳建

馬街汎千總一員

隸景蒙營

舊設戰守兵九十六名

光緒初接

次裁減現在實設守兵十名

謹案馬街舊無汛光緒二年署總督岑公以州南鄉疆
域寥遠與景東接壤故撥景東營千總駐防於此糧餉
仍由景東支領

鎮南州志

卷之六武備畧兵防

三

